



TOSHKENT DAVLAT YURIDIK UNIVERSITETI REKTORINING B U Y R U G ' I

03.05.2023

71-um-son

Toshkent davlat yuridik universiteti fakultetlarida jamoatchilik asosida faoliyat yuritadigan xotin-qizlar kengashi raislari – dekan maslahatchilarini tasdiqlash to'g'risida

O'zbekiston Respublikasi oliy va o'rta maxsus ta'lim (oliy ta'lim, fan va innovatsiyalar) vazirining 2021-yil 13-dekabrdagi "Xotin-qizlar masalalari bo'yicha dekan maslahatchilari faoliyatini tuzish to'g'risida"gi 518-son buyrug'i hamda Toshkent davlat yuridik universiteti rektorining 2022-yil 7-yanvardagi "Toshkent davlat yuridik universitetida xotin-qizlar bilan ishlash tizimini yanada takomillashtirish to'g'risida"gi 08-1-son va 2023-yil 2-maydagi "Toshkent davlat yuridik universiteti rektorining ayrim buyruqlariga o'zgarirish kiritish haqida"gi 67-um son buyruqlarida belgilangan vazifalar ijrosini ta'minlash, Yangi O'zbekiston sharoitida xotin-qizlarning ta'lim sohasi va ilm-fandagi o'rnini kengaytirish, Toshkent davlat yuridik universitetida xotin-qizlar o'rtasida ijtimoiy-ma'naviy muhitni yaxshilash, ularning o'rni va mavqeyini yanada mustahkamlash, xotin-qizlar bilan ishlash yo'nalishini tizimlashtirish hamda Xotin-qizlar masalasi bo'yicha maslahat kengashi raisi U.Xaydarovanning taqdimnomasiga muvofiq,

B U Y U R A M A N:

1. Toshkent davlat yuridik universiteti (bundan buyon matnda – TDYU) rektorining 2023-yil 2-maydagi 67-um son buyrug'i bilan Toshkent davlat yuridik universiteti rektorining 2022-yil 7-yanvardagi 08-1-son buyrug'ining 11-bandi "Toshkent davlat yuridik universitetida Boshqaruv, professor-o'qituvchilar, ilmiy, o'quv-yordamchi, texnik va xizmat ko'rsatuvchi xodimlarni moddiy rag'batlantirish uchun Maxsus jamg'arma mablag'lari hisobidan Yoshlar masalalari va ma'naviy-ma'rifiy ishlar bo'yicha birinchi prorektorning bildirgisiga asosan Maslahat kengashi raisi etib saylangan xodimning lavozim maoshiga nisbatan har oylik 30 foizgacha, fakultet xotin-qizlar kengashi raislari – dekan maslahatchilari etib saylangan xodimlarning lavozim maoshiga nisbatan har oylik 15 foizgacha miqdorida Boshqaruv, professor-o'qituvchilar, ilmiy, o'quv yordamchi, texnik va xizmat ko'rsatuvchi xodimlarni moddiy rag'batlantirish

uchun Maxsus jamg'arma mablag'lari shakllantirish va ulardan moddiy rag'batlantirish uchun foydalanish tartibi to'g'risidagi Nizomga muvofiq qo'shimcha ustama haqlar belgilanishi mumkin"ligi tahririda bayon etilishi belgilanganligi inobatga olinsin.

2. TDYUning fakultetlariga quyidagilar xotin-qizlar kengashi raislari – dekan maslahatchilari etib tayinlansin:

Ommaviy huquq fakultetiga – Sultanova Saboxat Alisherovna Davlat va huquq nazariyasi kafedrası o'qituvchisi;

Jinoiy odil sudlov fakultetiga – Qodirova Moxigul Xamitovna Jinoyat-protsessual huquqi kafedrası dotsenti;

Xususiy huquq fakultetiga – Achilova Liliya Ilxomovna Biznes huquqi kafedrası dotsenti vazifasini bajaruvchisi;

Xalqaro huquq va qiyosiy huquqshunoslik fakultetiga – Almosova Shahnoza Sobirovna Xalqaro huquq va inson huquqlari kafedrası o'qituvchisi;

Magistratura va sirtqi ta'lim fakultetiga – Fattaxova Amina Rustamovna O'zbek tili va adabiyoti kafedrası dotsenti v.b

3. Fakultetlardagi xotin-qizlar kengashi raislari – dekan maslahatchilari o'z faoliyatlarini jamoatchilik asosida amalga oshirilishi inobatga olinsin.

4. Xotin-qizlar masalalari bo'yicha maslahat kengashi raisi U.Xaydarova hamda fakultet xotin-qizlar kengashi raislari – dekan maslahatchilariga 2023-yil may oyidan boshlab Boshqaruv, professor-o'qituvchilar, ilmiy, o'quv yordamchi, texnik va xizmat ko'rsatuvchi xodimlarni moddiy rag'batlantirish uchun Maxsus jamg'arma mablag'lari shakllantirish va ulardan moddiy rag'batlantirish uchun foydalanish tartibi to'g'risidagi Nizomga muvofiq komissiya qaroriga asosan har oylik qo'shimcha ustama haqlari belgilangan tartibda to'lab berilsin.

5. Fakultetlardagi xotin-qizlar kengashi raislari – dekan maslahatchilariga quyidagilarni amalga oshirishlariga a'lohida e'tibor qaratishi tavsiya etilsin:

xotin-qizlarning ta'lim va kasbiy ko'nikmalar olishlari, munosib ish topishlariga har tomonlama ko'maklashish, tashabbuslarini qo'llab-quvvatlash, iqtidorli yosh xotin-qizlarni aniqlash va ularning qobiliyatlarini to'g'ri yo'naltirish;

ular o'rtasida sog'lom turmush tarzini ta'minlash borasidagi ishlar samaradorligini oshirish;

xotin-qizlarning huquqlari va qonuniy manfaatlariga daxldor masalalarni chuqur tahlil qilish, ilg'or tajribalar asosida mavjud muammolarni hal qilish bo'yicha qonunchilik va amaliyotni takomillashtirish yuzasidan takliflar ishlab chiqish;

xotin-qizlar bilan oilani mustahkamlash, milliy va umuminsoniy qadriyatlarni asrab-avaylash hamda ularning farzand tarbiyasidagi rolini oshirish borasida tizimli targ'ibot tadbirlarini hamda keng tushuntirish ishlarini olib borish;

talaba-qizlar va yosh ayol xodimlar bilan universitetda belgilangan Odob-axloq hamda ichki tartib qoidalarga rioya etishlari, universitet nufuzini oshirish borasida faollik ko'rsatishlari va ijtimoiy hayotida munosib ishtirok etishlari, yoshi kattalarga hurmat, ayollik ibo va hayoni doimiy saqlab qolishlari borasida keng

tushuntirish ishlarini olib borish;

“Ayollar daftari”ga kiritilgan xotin-qizlar hamda og‘ir ijtimoiy ahvolga tushib qolgan, moddiy qo‘llab-quvvatlashga ehtiyojmand bo‘lgan oila farzandi bo‘lgan talaba-qizlarga moddiy yordam ko‘rsatish yuzasidan takliflar tayyorlash;

ijarada va Talabalar turar joylarida yashayotgan talaba-qizlar bilan alohida suhbatlar o‘tkazib borish, tyutorlar bilan hamkorlikda ishlash tizimini kuchaytirish;

ularni TDYUda o‘tkazilayotgan turli tanlov va loyihalarda keng ishtirokini ta‘minlash orqali notiqlik mahoratlarini oshirish, sog‘lom fikr bildirish ko‘nikmalarini shakllantirish, fuqarolik pozitsiyalarini mustahkamlash;

mehribonlik uylarida tarbiyalangan qizlar bilan alohida manzilli ishlarni amalga oshirish;

talaba-qizlar orasida turli noxush holatlar (psixotrop moddalar, jinoyatchilik, o‘z joniga qasd qilish, turli oqimlar ta‘siriga tushib qolish, odam savdosi)ning oldini olish ishlarini muntazam tarzda olib borish va boshqalar.

6. Yoshlar masalalari va ma‘naviy-ma‘rifiy ishlar bo‘yicha birinchi prorektor A.Xashimhonov Xotin-qizlar masalasi bo‘yicha maslahat kengashi raisi U.Xaydarova bilan birgalikda fakultet xotin-qizlar kengashi raislari – dekan maslahatchilari o‘z faoliyatlarini samarali tashkil etishlari uchun uslubiy ko‘mak bersin hamda ularning faoliyatlarini doimiy nazorat qilib borsin.

7. Toshkent davlat yuridik universiteti rektorining 2022-yil 9-fevraldagi 20-um-son buyrug‘i o‘z kuchini yo‘qotgan deb hisoblansin:

8. Mazkur buyruq ijrosi nazoratini birinchi prorektor A.Xashimhonov hamda prorektor A.Iminov zimmasiga yuklatilsin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Bo‘lim boshlig‘i

S.MAMANAZAROV



Katta o‘qituvchi (ilmiy daraja yoki
ilmiy unvonga ega bo‘lmagan)

U.XAYDAROVA



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

SH.SAYDULLAYEV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo‘lgan)

D.KAMALOVA



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

B.MUSAYEV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

A.BABADJANOV



Bosh buxgalter

M.PARPIYEV



Moliya-iqtisod ishlar bo'yicha
prorektor

A.IMINOV



Katta yuriskonsult

A.TURSUNOV



Buyruq bilan tanishdim

M.KADIROVA

S.SULTANOVA

L.ACHILOVA

SH.ALMO SOVA

A.FATTAXOVA